

Էքսպեդիտոր. ՄՄ Հայաստանի անդամակցությունից հետո Եվրոպայի հետ կաշխատենք առաջվա պես



Հոկտեմբեր 27, 2013 | 19:44

Այն բանից հետո, երբ Հայաստանը մուտք գործի Միացյալ Մաքսային միություն, հայ էքսպեդիտորները կշարունակեն աշխատել Եվրոպայի ու Ամերիկայի հետ նախկինի պես: Նման կարծիք NEWS.am-ի թղթակցին հայտնել է հայ էքսպեդիտորական ընկերություն հանդիսացող «Ապավեն» ՄՊԸ-ի գործադիր տնօրեն Գագիկ Աղաջանյանը:

«Մենք այդ երկրների հետ պարտադիր պայմանագրիային բազա ունենք, ու Հայաստանի անդամակցումը ՄՄ չի ազդում դրա վրա», - հայտարարել է էքսպեդիտորը: «Այլ հարց է, որ Մաքսային միության անդամ պետությունների հետ մեր տնտեսական հարաբերությունները կարգավորման կարիք ունեն: Խոսքն արտահանման ու ներկրման մասին է: Տեղափոխումների բնագավառում օրենսդրությունը կարող է պարզեցվել, քանի որ այժմ այն բոլորովին էլ պարզ չէ: Ավելի հստակ խոսելու համար դեռ վաղ է. պետք է սպասել, թե ինչ փաստաթղթեր կառաջարկեն հայկական կողմին», - հայտարարել է Աղաջանյանը:

Հիշեցնենք, որ Մաքսային միության անդամակցության մասին Հայաստանի մտադրությունը հնչեցրեց Հայաստանի նախագահ սերժ Սարգսյանը սեպտեմբերի 3-ին: Քիչ անց, հանդես գալով Արդարադատության նախարարությունում, նա հայտարարեց ավելի քան 50 օրինագծերում համապատասխան փոփոխությունների անհրաժեշտության մասին:

[Լուրեր Հայաստանից - NEWS.am](http://NEWS.am)